

**ხელშეკრულება №15**  
**(სახელმწიფო შესყიდვის შესახებ)**  
**გამარტივებული შესყიდვა**

ქ. თბილისი

25 იანვარი 2019 წ.

**ხელშეკრულების დამდები მხარეები.**

წინამდებარე ხელშეკრულება დადებულია:

ერთის მხრივ, აღმოსავლეთ საქართველოში აფხაზეთის ავტონომიური რესპუბლიკის მთავრობის წარმომადგენლობას (შემდგომში შემსყიდველი)-წარმოდგენილი მისი ხელმძღვანელის **დემურ კეკელიას** სახით და მეორეს მხრივ, და მეორეს მხრივ – ი/მ „გიორგი კანდელაკი ვესტა“ (მის. ქ. თბილისი, აღმაშენებლის 55/1; ს/კ 01009005243 საბანკო რეკვიზიტები: ს.ს. საქართველოს ბანკი ა/ა GE75BG000000888000801) წარმოდგენილი **გიორგი კანდელაკის** სახით (შემდგომში „მიმწოდებელი“) შორის. ვმოქმედებთ რა, საქართველოს კანონის „სახელმწიფო შესყიდვების შესახებ“ მე-3 მუხლის, პირველი პუნქტის „ს1“ ქვეპუნქტის საფუძველზე ვდებთ ამ ხელშეკრულებას და ვთანხმდებით შემდეგზე:

**მუხლი 1. გამოყენებული ტერმინების განმარტებები**

**ხელშეკრულებაში გამოყენებულ ტერმინებს აქვთ შემდეგი მნიშვნელობა:**

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების საორიენტაციო ღირებულება“- საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“- პირი, რომელიც ახორციელებს მომსახურებას ხელშეკრულების ფარგლებში.
- 1.6 „მომსახურების“ - ხელშეკრულების მე-2 მუხლით გათვალისწინებული ხელშეკრულების საგანი.

**მუხლი 2. ხელშეკრულების საგანი**

2.1 ხელშეკრულების საგანს წარმოადგენს დანართით გათვალისწინებული საკანცელარიო საქონლის: 1.ქაღალდის ან მუყაოს სარეგისტრაციო ჟურნალები/წიგნები, საბუღალტრო წიგნები, ფორმები და სხვა ნაბეჭდები - CPV 22800000; 2.საოფისე მანქანა დანადგარები, აღჭურვილობა და საკანცელარიო ნივთები, კომპიუტერების, პრინტერებისა და ავეჯის გარდა- CPV 30100000.

**მუხლი 3. ხელშეკრულების ღირებულება**

3.1. შესყიდული საქონლის საერთო ღირებულება შეადგენს **112,35 (ასთორმეტი ლარი და 35 თეთრი)** ლარს საქართველოს კანონმდებლობით დადგენილი შესაბამისი გადასახადების გათვალისწინებით.

3.2. წინამდებარე ხელშეკრულების პირობების, მათ შორის ფასების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

#### **მუხლი 4. ხელშეკრულების შესრულების კონტროლი**

4.1. წინამდებარე ხელშეკრულებით გათვალისწინებული პირობების შესრულების კონტროლს ახდენს ბრძანებით სახელმწიფო შესყიდვებზე პასუხისმგებელი პირი -სვეტლანა ციკოლია.

4.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს მიწოდებული მომსახურების ხარისხის ინსპექტირება.

4.3. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა მომსახურების პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.

#### **მუხლი 5. მომსახურების ხარისხი და გარანტია**

5.1. „მიმწოდებელი“ იძლევა გარანტიას, რომ შესყიდული საქონელი მიწოდებული იქნება დროულად და კეთილსინდისიერად და იქნება მოხმარებისთვის ვარგისი (შესრულებული იქნება მაღალხარისხოვნად), წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს უვარგისი საქონლის შეცვლა (გამოვლენილი ხარვეზის გამოსწორება).

5.3. „შემსყიდველი“ უფლებამოსილია წარადგინოს პრეტენზია მიწოდებული საქონლის ხარისხისა თაობაზე. „მიმწოდებელი“ ვალდებულია წერილობითი ან სიტყვიერი შეტყობინების მიღებისთანავე დაიწყოს მუშაობა გამოვლენილი ხარვეზის აღმოფხვრის ან შეცვლისთვის საჭირო ზომების განსახორციელებლად და დაუყოვნებლივ გამოასწოროს ხარვეზი.

#### **მუხლი 6. მომსახურების განხორციელების პირობები**

6.1. საქონლის მიწოდების ვადა განისაზღვრება ხელშეკრულების დადებიდან **2019 წლის 29 იანვრის** ჩათვლით.

6.2. საქონლის მიწოდების ადგილია: ქ. თბილისი, დ. აღმაშენებლის 55/1.

#### **მუხლი 7. მომსახურების მიღება-ჩაბარების წესი**

7.1. საქონლის მიღება წარმოებს მიღება-ჩაბარების აქტის გაფორმების გზით, რომელიც დგება და დასტურდება მხარეთა მიერ ამისათვის სათანადო უფლებამოსილი პირების ხელმოწერებით. შემსყიდველის მხრიდან მიღება-ჩაბარების აქტზე ხელმოწერაზე უფლებამოსილ პირად განისაზღვრება წარმომადგენლობის ხელმძღვანელი - დემურ კეკელია.

7.2. მიღება-ჩაბარების აქტის შედგენისას „მიმწოდებელი“ ვალდებულია „შემსყიდველს“ წარუდგინოს ანგარიშ-ფაქტურა.

#### **მუხლი 8. ანგარიშსწორების ფორმა, გრაფიკი და ადგილი**

8.1. „მიმწოდებელთან“ ანგარიშსწორება განხორციელდება ლარებში უნაღდო ანგარიშსწორების ფორმით.

8.2. ანგარიშსწორება „მიმწოდებელთან“ განხორციელდება, მიღება-ჩაბარების აქტის შედგენიდან 5 (ხუთი) სამუშაო დღის ვადაში.

8.3. ანგარიშსწორებისათვის „მიმწოდებელი“ ვალდებულია შემსყიდველს წარუდგინოს მიღება-ჩაბარების აქტი (დედანი) ან/და საგადასახადო ანგარიშ-ფაქტურა.

#### **მუხლი 9. „შემსყიდველის“ უფლება-მოვალეობანი**

9.1. „შემსყიდველს“ უფლება აქვს, მოსთხოვოს „მიმწოდებელს“ წინამდებარე ხელშეკრულებით გათვალისწინებული მომსახურების შეუფერხებელი გაწევა, ყველა ვალდებულების შესრულება და წინამდებარე ხელშეკრულებით გათვალისწინებული „შემსყიდველის“ უფლებების რეალიზაციისათვის ხელშეწყობა.

9.2. „შემსყიდველი“ ვალდებულია აუნაზღაუროს „მიმწოდებელს“ ხელშეკრულების ღირებულება ხელშეკრულების პირობების შესასრულებლად.

### **მუხლი 10. „მიმწოდებლის“ უფლება–მოვალეობანი**

10.1. „მიმწოდებელი“ ვალდებულია განახორციელოს ხელშეკრულებით გათვალისწინებული საქონლის მიწოდება;

10.2. „მიმწოდებელი“ ვალდებულია დაიცვას უსაფრთხოების წესებით გათვალისწინებული ყველა მოთხოვნა.

10.3. „მიმწოდებელი“ პასუხისმგებელია იმ ზიანზე, რომელიც შესაძლებელია გამოწვეული იქნას უსაფრთხოების წესების უგულებელყოფით.

### **მუხლი 11. ხელშეკრულების პირობების შეუსრულებლობა**

წინამდებარე ხელშეკრულების სახელშეკრულებო ვალდებულებების შეუსრულებლობის ან არაჯეროვანი შესრულების შემთხვევაში, მხარეებს დაეკისრება პირგასამტეხლო ხელშეკრულების საერთო ღირებულების 0.2%-ის ოდენობით.

### **12. ფორს-მაჟორი**

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

12.2 ამ მუხლის მიზნებისათვის `ფორს-მაჟორი` ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

### **მუხლი 13. ხელშეკრულების შეწყვეტა**

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული სხვა ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

#### **მუხლი 14. სადავო საკითხების გადაწყვეტა**

14.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

14.2. მხარეთა მიერ ოცდაათი (30) კალენდარული დღის განმავლობაში თანხმობის მიუღწევლობის შემთხვევაში, საქმე გადაეცემა სასამართლოს. წინამდებარე ხელშეკრულებაზე ვრცელდება საქართველოში მოქმედი კანონმდებლობის ნორმები.

#### **მუხლი 15. ხელშეკრულების მოქმედების პერიოდი და ძალაში შესვლის პირობები**

წინამდებარე ხელშეკრულების მოქმედების პერიოდი განისაზღვრება ხელმოწერის დღიდან **2019 წლის 31 მარტის** ჩათვლით.

#### **მუხლი 16. სხვა პირობები**

16.1. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

16.2. იმ შემთხვევაში, თუ ხელშეკრულებით ნაკისრი ვალდებულებების შესრულების დროს ამ ხელშეკრულების ღირებულებისა და ანგარიშწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში.

16.3. წინამდებარე ხელშეკრულების პირობების ნებისმიერი ცვლილება უნდა გაფორმდეს ქართულ ენაზე, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

16.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16.5. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

16.6. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის წინამდებარე ხელშეკრულებით გათვალისწინებული უფლებებისა და ვალდებულებების გადაცემა.

16.7. ხელშეკრულება დგება ორ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო მეორე ეგზემპლარი ინახება „შემსყიდველთან“.

#### **მუხლი 17. მხარეთა რეკვიზიტები და ხელმოწერები**

##### **„შემსყიდველი“**

აღმოსავლეთ საქართველოში აფხაზეთის  
ავტონომიური რესპუბლიკის მთავრობის  
წარმომადგენლობა

მის: ქ.თბილისი, აღმაშენებლის 89/24.

ს/კ 249 273 165

აფხაზეთის ა/რ ხაზინა

ტელ: +295 32 89

e-mail:amtsar7@gmail.com

დემურ კეკელია

##### **„მიმწოდებელი“**

ი/მ „გიორგი კანდელაკი ვესტა“

მის. ქ. თბილისი, აღმაშენებლის 55/1

ს/კ 01009005243

ა/ა GE75BG0000000888000801

ტელ: 577 19 23 95/599477922

გიორგი კანდელაკი

ბ.ა.

ბ.ა.

**ხელშეკრულების დანართი**

№	შესყიდვის ობიექტის დასახელება	ერთეული	რაოდენობა	ერთეულის ფასი	მთლიანი ღირებულება	კოდი	ჯამი
1	ფაილები	შეკვრა	1	3.80	3.80	22852100	27.80
2	ბაინდერები	ცალი	10	2.40	24.00	22851000	
3	საკანცელარიო ნივთები(სკოჩი პატარა)	ცალი	5	0.20	1.00	30192700	84.55
4	საკანცელარიო ნივთები(სკოჩი დიდი)	ცალი	3	0.85	2.55	30192700	
5	კალენდარი კედლის	ცალი	15	4.00	60.00	30194820	
6	საკანცელარიო სარკები(კლიფსი მეტალის)	შეკვრა	2	1.20	2.40	30197130	
7	საკანცელარიო სარკები(კლიფსი მეტალის)	შეკვრა	2	2.80	5.60	30197130	
8	ქაღალდი შენიშვნებისთვის	ცალი	10	1.30	13.00	30199720	
	სულ				112.35		112.35

აღმოსავლეთ საქართველოში აფხაზეთის  
ავტონომიური რესპუბლიკის მთავრობის  
წარმომადგენლობა

ი.მ. გიორგი კანდელაკი  
ვესტა

ხელმძღვანელი

ინდემწარმე

დემურ კვეციანი  
(ბ.ა)

გიორგი კანდელაკი  
(ბ.ა)